



**CONVOCATORIA DE MOBILIDADE SICUE**  
**SISTEMA DE INTERCAMBIO ENTRE CENTROS UNIVERSITARIOS ESPAÑOLES**  
**CURSO 2016/2017**

A Universidade da Coruña (UDC) fai pública a convocatoria de prazas en universidades españolas, no marco do Programa de Mobilidade do Sistema de Intercambio entre Centros Universitarios Españoles (SICUE), para o próximo curso académico 2016/2017.

**OBXECTO, FINALIDADE E NORMATIVA DE APLICACIÓN**

A finalidade deste programa é a de facilitar aos estudantes españoles a realización dunha parte dos seus estudos nunha universidade española distinta a súa, con garantías de recoñecemento académico e de aproveitamento, así como de adecuación ao seu perfil curricular. O recoñecemento destes estudos realízase nos términos previstos na normativa de Xestión Académica da UDC e pola propia *Normativa do Programa SICUE* para o curso 2016/2017 emitida pola CRUE (**Anexo I**).

Este sistema de intercambio ten en conta o valor formativo do intercambio, ao facer posible que o estudante experimente sistemas docentes distintos, incluídos o réxime de prácticas, así como os distintos aspectos sociais e culturais doutras Autonomías e cidades autónomas.

**CONDICIÓN**

As prazas de intercambio que se convocan para cada titulación son as que figuran no **Anexo II**. Os estudantes deberán comprobar o grao de implantación da súa titulación nas páxinas web das respectivas universidades.

Os estudantes que participen neste intercambio seguirán sendo alumnos da UDC, donde se matricularán e abonarán as taxas académicas correspondentes. Poderán cursar asignaturas nas dúas universidades, mentres dure o intercambio.

O alumnado que teña intención de incluír o TFG no acordo académico, deberá contactar co coordinador da universidade de destino para coñecer os requisitos asociados no seu

caso. A asignación de tema e/ou titor, e a defensa do traballo deberá facerse conforme ós requisitos establecidos pola universidade de destino.

Sempre e cando non contraveña a normativa interna da UDC e o coordinador académico así o autorice, poderase incluír no acordo académico, como máximo, unha asignatura calificada como suspensa con anterioridade.

No caso de que o alumno desexe incluír no intercambio SICUE unha materia, como máximo, que non se atopa na titulación obxecto do acordo académico, poderá cursala en titulacións afíns coas que non haxa acordo, previa autorización de todos os coordinadores da universidade de destino implicados, limitando dita posibilidade de matriculación a unha materia como máximo.

Poderánse cursar optativas do plano de estudos da universidade de destino, non incluídas no plano de estudos da UDC, incorporándoas posteriormente ao expediente do alumno na UDC como optativas.

No *Acordo académico* especificarase a duración das estadias do intercambio, para o curso 2016/2017 serán:

- Medio curso (5 meses): para cursar mínimo de 24 créditos
- Curso completo (9 meses): para cursar mínimo de 45 créditos

A partir desta convocatoria permítese tanto a redución de estancia (de curso completo a medio curso) como a ampliación de estancia (de medio curso a curso completo), sempre que exista acordo entre as universidades de orixe e de destino. En calquera caso, a redución ou ampliación de estancia de intercambio recollerase no anexo do impreso C (*Acordo académico*).

O *Acordo académico* aceptado polas tres partes implicadas (alumno, centro de orixe e centro de destino) terá carácter oficial de contrato vinculante para os asinantes.

Quedan excluídos do programa de mobilidade SICUE os plans de estudo de mestrado e de doutoramento.

O alumnado beneficiario do programa SICUE non poderá obter máis dun intercambio na mesma universidade de destino, nin máis dun intercambio SICUE no mesmo curso académico.

## REQUISITOS XERAIS

- Ter *superados* na universidade de orixe un mínimo de **45 créditos** (a data de 30 de setembro de 2015).
- Estar *matriculado* ao fin do prazo de presentación de solicitudes, nun mínimo de **30 créditos** no curso 2015/2016.
- Os estudantes procedentes de traslado deberán ter superados os 45 créditos na universidade á que se trasladaron, na cal solicitan a mobilidade.

## DOCUMENTACIÓN

Os estudantes que reúnan os requisitos mencionados e estean interesados nesta convocatoria, deberán presentar:

- *Solicitud de mobilidade* (orixinal e copia), solicitando un máximo de 3 universidades de destino por orde de preferencia.
- Copia do DNI.

## PRAZO E LUGAR DE PRESENTACIÓN

Do **10 de febreiro** ata o **10 de marzo de 2016**, en horario de atención ao público (8:30 h a 14:30 h).

A solicitude orixinal, previa firma de conformidade do profesor coordinador de intercambios da Facultade ou Escola, presentarase no rexistro do LERD-Coruña (Pavillón de Estudantes - Campus de Elviña) ou no LERD-Ferrol (Edificio de Apoio ao Estudo - Campus de Esteiro).

## PROCESO DE SELECCIÓN E EVALUACIÓN

O procedemento de selección de estudantes farase conforme aos requisitos xerais especificados no relativo a créditos superados. Aos estudantes que non cumpran estes requisitos seralles denegada a petición sen entrar a valorar o seu expediente académico.

A selección dos estudantes levaráse a cabo en función da nota media de cualificación. En caso de empate serán tidos en conta o maior número de créditos superados.



Para o cálculo das notas medias teranse en conta as cualificacións obtidas ata o 30 de setembro de 2015.

Terase en conta a cualificación obtida na última convocatoria, salvo o NON PRESENTADO que non computará no numerador nin no denominador.

A nota media do expediente académico de cada alumno calcularase de acordo coa seguinte fórmula: suma dos créditos CUALIFICADOS (isto é, créditos superados con calquera cualificación e créditos suspensos) ao alumno multiplicado cada un deles polo valor das cualificacións obtidas na escala 0 e 10 e dividida polo número de créditos totais CUALIFICADOS ao alumno.

Para as materias adaptadas computarase a cualificación obtida no centro de procedencia e o recoñecemento de créditos en que non exista cualificación non se terá en conta a efectos de ponderación.

Naqueles casos en que nun expediente non figure, en todas ou algunhas das materias, a cualificación numérica, a cualificación cualitativa da materia converterase en cuantitativa mediante a aplicación do seguinte baremo:

Matrícula de honra	10,0 puntos
Sobresaliente	9,0 puntos
Notable	7,5 puntos
Aprobado	5,5 puntos
Suspenso	2,5 puntos

A selección dos candidatos será realizada pola Comisión de Valoración, composta por:

- Presidenta: Margarita Amor López, Vicerreitora de Estudantes, Participación e Extensión Universitaria
- Vogal: Manuel Herrador Barrios, Coordinador da E.T.S.I. de Camiños, Canais e Portos.
- Secretaria: M<sup>a</sup> Asunción Esmoris Caamaño, Xefa de Sección de Acceso e Información, Servizo de Estudantes.



As prazas distribuiranse por orde de puntuación. Non se poderán adxudicar máis prazas que as aceptadas nos Convenios bilaterais.

## RESOLUCIÓN

A Comisión fará pública **antes do 20 de abril de 2016** a *Resolución de adxudicación provisional de admitidos e excluídos*. Todas as listaxes serán publicadas na páxina web da UDC e no Servizo de Estudantes (LERD, Pavillón de Estudantes, Campus de Elviña).

Os interesados poderán presentar **reclamación** á devandita relación provisional no prazo de **10 días hábiles**, a contar desde o seguinte á súa publicación, ante a Comisión de Selección, unicamente cando concorran algunha das circunstancias seguintes:

- Que se cometera algún erro por mor de interpretación equivocada dos documentos achegados ou da valoración do seu expediente académico.
- Que apareza ou se acheguen novos documentos de valor esencial para a resolución.
- Que na resolución influíran documentos de dubidosa validez.
- Outras circunstancias debidamente xustificadas.

Unha vez resoltas as reclamacións, publicarase a *resolución definitiva* e establecerase un prazo para aceptar/renunciar ao intercambio.

Á vista das renuncias presentadas polos adxudicatarios, procederáse a unha *reassignación das prazas vacantes*.

A Coruña, 10 de febreiro de 2016

A Vicerreitora de Estudantes, Participación e Extensión Universitaria

Margarita Amor López